



Assessu Signifikativu

Kuzé ki é Language and Communications Access (assessu pa lingua y kumunikason) y pamodi ki el é inportanti?

Na 2016, Prezidenti di Kamara (Mayor) Martin J. Walsh sinâ un dekretu municipal txomadu “Establishing Language and Communications Access for City Services” pa kria assessu di lingua y kumunikason pa servisus di munisipiu di Boston. É ku entuziasmu ki nu ta konpartilha ku bô prugressu konsigidu, na es series di artigis mensal. Nu ta spera ki bu ta danu bu apoiu pa torna Boston na un lugar mas assessível pa morada, trabadju y divertimentu.

Language and Communications Access é un parti inportanti di vizon di Prezidenti di Kamara Walsh pa un munisipiu/sidadi mas inkluzivu y ekilibradu. El ta djunta ku otus inissiativas di prioridadi dibaxu di lideransa di Prezidenti di Kamara suma [Imagine Boston 2030](#) (Imajinâ Boston na 2030), [the Mayor’s Resilience Strategy](#) (Stratejia di Rekuperason di Prezidenti di Kamara), [Age Friendly Boston](#) (Boston pa Rezidentis di Tudu Idadi), and [Climate Ready Boston](#) (Boston Preparadu pa Klima). Tudu djuntu, kes isforsus aplikadu na tudu parti di sidadi ten finalidadi di torna Boston na un sidadi midjor y ku midjor kondison di vida pa tudu algen.

Kuzé ki é izatamenti Language and Communications Access (LCA)? LCA, sigla na inglês pa Assessu pa Lingua y Kumunikason, é un planu di assessu ki ta torna mas fasil pa pessoas interaji ku Sidadi. El podi toma txeu forma. Servisus di interpretason y di traduson ta djuda pessoas ki ten nessessidadi di kumunika na otu lingua sen ser inglês. Teknulujia di assistensia ta prestâ un nível di apoiu pa kualker nessessidadi relasionadu ku kumunikason pa pessoas ki ta papia otus linguas o pessoas ku defisiensia. Alguns pessoas podi uza ses propi dispuzitivus di assistensia teknulojiku suma aparelhu pa obi y *software* ki ta konverti textu na fala. Sidadi di Boston podi inda dâ apoiu di assessu atraves di teknulojia suma Communications Access Real-Time (CART), ki é Assessu di Kumunikason na Ora, y ekipamentu di interpretason na mesmu ora.

LCA é un midida inportanti pa ser postu na uzu pa txeu mutivu. Primeru, tudu algen ten direitu a assessu pa servisus y benefisius di Sidadi. Parti di responsabilidadi di Sidadi é di sta senpri ta iliminâ barreras ki podi difikultâ assessu di pessoas. Nu sta li pa djudâ meius di sustentu di pessoas. Si un algen krê fazi parti di un kumunidade nobu, partisipa un



imerjensia o kria sê propi negosiu, kel prussessu debi ser justu y assessível pa tudu algen, sen inportâ sê idadi, kapassidadi o lingua ki el ta papia.

LCA é inportanti tanbé pamodi el ta dê resposta a bus nessessidadis. Un planu di assessu ben pensadu ta promovê un mensaji di inkluzividadi y poder. Pessoas ta podê trata ku lidere y representantis sen medu di deskriminason. Es podi sinti mas ligadu ku ses kumunidadi pamodi es ta sinti ki es ta fazi parti del. Sob lideransa di Prezidenti di Kamara Mayor Walsh, Sidadi di Boston krê rekunhesê diversidade, selebrâ y promovê ses diferensas. É kel li ki ta fazê Boston un grandi sidadi. Nu ta spera ki bô tanbé bu ta pensâ assin.

Prugrama Language and Communication Access ta trabadja pa torna Sidadi di Boston forti pa ses servisus, prugramas y atividadis podi ten assessu signifikativu pa tudu konstituintis. Pa mas infurmason, vizita nos pájina di interneti [Language and Communications Access](#).

Español | Kreyòl ayisyen | 繁體中文 | 简体中文 | Tiếng Việt | kriolu | العربية | Português | Русский | Français